

eNetPoint, ulica Bardakčije 4, koga zastupa direktor Mirsad Kujan, dipl.ing. (u daljem tekstu: Izvršilac)

Identifikacioni PDV broj: 200161830007  
Poreski broj: 01079818  
Broj rješenja: UF/I-1070/02  
Transakcijski broj računa: 161-000-00339300-29  
Raiffeisen Bank dd Sarajevo

i

Kantonalno javno komunalno preduzeće „RAD“doo Sarajevo, ulica Paromlinska 57, Sarajevo, koga zastupa direktor Selim Babić dipl.ing.građ.(u daljem tekstu:Naručilac).

Identifikacioni PDV broj: 200316890001  
Poreski broj: 01700105  
Broj rješenja: U/I-1664/89  
Transakcijski broj računa: 338-900-2208077649  
UniCredit banka d.d. Sarajevo,

zaključili su

## **U G O V O R** **o vršenju usluga dogradnje softvera**

### **PREDMET UGOVORA**

#### **Član 1.**

Predmet pregovaračkog postupka je izrada kompletnog informatičkog modula za automatizovanje rada za vršenje usluga odlaganja otpada i za eksterne korisnike deponije.

U tom smislu postojeći informacioni sistem u funkciji odvoza otpada u Javnoj higijeni firme (koji služi za rad i praćenje strukture i količine otpada na deponiji od strane KJKP Rad doo) će se doraditi evidencijama i analizom upotrebe deponije od strane eksternih korisnika.

Ovaj modul će omogućiti praćenje, rad i analizu odlaganja otpada na deponiji od trenutka registrovanja eksternog korisnika kada se određeni pravni subjekat, ili fizičko lice pojavi na ulazu/vagi deponije, pa do faze izrade finansijskih izvještaja vezanih za obavljanje ovog dijela posla. Prilikom dolaska vozila na vagu, vagar unosi podatke o vremenu dolaska, o korisniku usluge, količini otpada i vrsti otpada. Također će dodatno implementirati sistem klasifikacije otpada prema vrsti otpada u skladu sa zvaničnom listom Kantonalnog ministarstva. Na ovaj način će se zamijeniti i izbaciti iz upotrebe interni izvještaji koji su se vodili u svesku i koji su bili manjkavi sa stanovišta izvještavanja.

Softver će omogućiti evidenciju o vrsti plaćanja (gotovina, ugovor, narudžba, blokovi KJKP Rad doo), kao i sve neophodne dnevne i periodične izvještaje o učinjenom poslu, odnosno količine otpada za odabrani period, prema vrstama otpada koji se deponuje, kao i prema korisnicima ove usluge.

Zbirni izvještaji deponije otpada omogućiti će prikaz deponovanih količina otpada prema vrsti i klasifikaciji otpada, posebno za eksterne korisnike, posebno za Javnu higijenu KJKP Rad doo, kao i zbirne pokazatelje za bilo koji odabrani vremenski period.

Također će se povezati modul odvoza otpada u javnoj higijeni, kao i ovaj novi modul sa softverom koji je instaliran na vagi, kako bi se automatizovao prenos podataka i na najmanju mjeru sveo subjektivni faktor u radu sa vagom. Za sva eksterna vaganja vagar unosi poseban kod kao broj radnog naloga, kako bi se posebno prikazali podaci za spoljne korisnike deponije. Prilikom vaganja generiše se fajl koji treba da sadrži slijedeće podatke za svako vaganje u toku jednog dana:

- broj radnog naloga, Integer 8,
- redni broj odvage za taj radni nalog, Integer 3,
- garazni broj vozila, Integer 4,
- sifra robe, Integer 5,
- datum i vrijeme vaganja, GGGGMMDD HH:MM,
- izvagana vrijednost, nnnnnnn.nnn (tone),

te će se softverski riješiti da se ovi podaci automatski importuju u bazu podataka informacionog sistema upravljanja i gazdovanja otpadom i povezuju sa zavisnim tabelama sistema, a sve prema prema ponudi Izvršioca broj 2713/17 od 27.03.2017. godine koja je sastavni dio ovog Ugovora, prema Odluci o rezultatima okončanog postupka izbora najpovoljnijeg ponuđača broj 05-03-04-4621/17 od 30.03.2017. godine donesene po pokrenutom pregovaračkom postupku bez objave obavještenja broj 05-03-04-2721/17 od 24.02.2017. godina.

## **CIJENA**

### **Član 2.**

Izvršilac se obavezuje da će Naručiocu usluge iz člana 1. ovog Ugovora izvršiti po cijeni koja iznosi 7.700,00 KM bez uračunatog PDV-a.

## **NAČIN PLAĆANJA**

### **Član 3.**

Za izvršene usluge, koje su predmet Ugovora, Izvršiocu će se platiti odgođeno sedam (7) dana nakon instalacije aplikacije kod Naručioca i ispostavljanja fakture.

## **ROK IZVRŠENJA USLUGA**

### **Član 4.**

Izvršilac je dužan izraditi i integrisati ovaj modul u roku od 60 dana.

## **TEHNIČKA PODRŠKA I OBUKA**

### **Član 5.**

Izvršilac je dužan pružati tehničku podršku u garantnom periodu od 12 mjeseci kao i izvršiti obuku za rad svakog učesnika u poslu na njegovom radnom mjestu.

### **Član 6.**

Održavanje softverskog sistema se vrši na jedan od tri ponuđena načina: on site, remote i telefonski support.

### **Član 7.**

Naručilac se obavezuje da će Izvršiocu, u okviru poslovnog prostora Preduzeća, obezbjediti prostor za nesmetano izvršavanje obaveza, odgovarajuću opremu, telekomunikacione veze i ostale resurse za održavanje.

## **KVALITET USLUGA**

### **Član 8.**

Izvršilac se obavezuje da će usluge koje su predmet Ugovora vršiti kvalitetno i u dogovorenom roku. U slučaju nekvalitetno izvršene usluge Naručilac ima pravo od Izvršioca zahtjevati da otkloni uočene nedostatke.

Reklamaciju na kvalitet izvršene usluge Naručilac saopštava Izvršiocu odmah, a najkasnije sedam dana od dana preuzimanja izvršene usluge.

#### **Član 9.**

Rok za otklanjanje nedostataka je odmah, a najkasnije 3 dana od dana saopštavanja istih.

#### **Član 10.**

Izvršilac se obavezuje da je upoznat sa obavezom čuvanja tajnosti ličnih podataka zaposlenih u KJKP "RAD" doo Sarajevo, koje obrađuje pri obavljanju poslova svog radnog mjesta i da ovi podaci predstavljaju službenu tajnu.

Obavezuje se da će u cilju zaštite ličnih podataka koje obrađuje pridržavati mjera utvrđenih u Planu sigurnosti ličnih podataka te da će tajnost ličnih podataka čuvati i nakon prestanka ugovora.

#### **OSTALE ODREDBE**

#### **Član 11.**

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

#### **Član 12.**

Izmjene i dopune ovog Ugovora mogu se vršiti samo uz pismenu saglasnost ugovornih strana.

#### **Član 13.**

Sastavni dio ovog Ugovora je ponuda Izvršioca broj 2713/17 od 27.03.2017. godine.

#### **Član 14.**

Ugovor stupa na snagu datumom potpisivanja ugovornih strana i ostaje na do datuma izvršenja obaveza koje su predmet Ugovora a najduže godinu dana.

#### **Član 15.**

Ugovor je sačinjen u 6 (šest) istovjetnih primjeraka i to 2(dva) za Izvršioca, 4(četiri) za Naručioca.

**IZVRŠILAC „eNetPoint“**

**Direktor**

Mirsad Kujan, dipl.ing.

**NARUČILAC KJKP"RAD"**

**Direktor**

Selim Babić, dipl.ing.građ

**Broj 05-03-04-\_\_\_\_\_/17**

**Dana 06.04.2017. godine**